



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana ,donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, **Kulturno – umjetničkom društvu "Bašćaršija"**, kao priznanje za doprinos u očuvanju i promociji kulturne baštine Kantona Sarajevo i Bosne i Hercegovine.

II

Ova odluka objavit će se u "Službenim novinama Kantona Sarajevo".

Broj:

SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

15/16



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

**Odbor za javna priznanja
Kantona Sarajevo**

Broj:01-04-4176-5/25
Sarajevo, 03.04.2025.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2025.godine, donio je jednoglasno


**ODLUKU
O DODJELI PLAKETE
KANTONA SARAJEVO**

I

Kulturno – umjetničkom društvu "Baščaršija", dodjeljuje se Plaketa Kantona Sarajevo kao priznanje za doprinos u očuvanju i promociji kulturne baštine Kantona Sarajevo i Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.



PREDSJEDAVAJUĆI ODBORA

kerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

15/15

Prijedlog: Kulturno-umjetničko društvo Bašćaršija

Kulturno-umjetničko društvo Bašćaršija nosilac je bogate kulturne tradicije koja traje od 1947. godine, kada je osnovano kao Centralno omladinsko amatersko kulturno-umjetničko društvo „Miljenko Cvitković“. Kroz decenije postojanja, Društvo je dalo neizmjeran doprinos očuvanju i promociji kulturne baštine Bosne i Hercegovine, a posebno Sarajeva.

Od svojih početaka, Društvo je bilo mjesto gdje su se njegovali folklor, horska muzika i književnost, a njegovi članovi su postali temelji brojnih profesionalnih umjetničkih institucija u zemlji. Nastupi širom Evrope, Azije i Afrike, brojna priznanja i nagrade svrstavaju KUD Bašćaršija među najprestižnije amaterske ansamble u regionu. Naša misija nadilazi samo scensku umjetnost kroz generacije članova, postali smo simbol zajedništva, očuvanja identiteta i ljubavi prema kulturnom naslijeđu.

Posebno značajan trenutak u historiji Društva desio se 1994. godine, kada je u najtežim ratnim vremenima nastavilo sa radom i pod imenom KUD Bašćaršija preuzelo ulogu čuvara bosanskohercegovačkog folklor. Od tada do danas, Društvo se posvetilo izvođenju i istraživanju autentičnih bosanskohercegovačkih koreografija, čime je postalo lider u očuvanju nacionalnog folklor.

Kulturno-umjetničko društvo Bašćaršija danas broji više od 200 aktivnih članova raspoređenih u različite sekcije: dječiji A i B ansambl, pripremni ansambl, izvođački ansambl, narodni orkestar, školu gitare, vokalne grupe "Dunja" i "Zora", vokalne soliste, odjel za etnologiju i baletni studio. Kroz ove sekcije negujemo i razvijamo ljubav prema tradicionalnoj umjetnosti, prenoseći je na nove generacije i omogućavajući im da budu ambasadori bosanskohercegovačke kulturne baštine.

Društvo se godinama predstavlja na različitim festivalima širom svijeta, gdje dostojanstveno i sa ponosom prikazuje bogatstvo bosanskohercegovačke tradicije. Među najznačajnijim nastupima ističe se učešće na svjetskoj izložbi EXPO 2020 u Dubaiju, gdje smo osjetili čast i odgovornost predstavljanja Bosne i Hercegovine na globalnoj sceni kao njeni kulturni ambasadori.

Međutim, naš rad nije usmjeren samo na inostrane turneje ponosni smo što smo ambasadori tradicije i u svom gradu. Već godinama organizujemo manifestaciju "Sarajevske ljetne noći tradicije - Sve boje tradicije" ispred Sarajevske katedrale, gdje turistima i građanima nudimo jedinstveno iskustvo kroz cjelovečernje koncerte u vlastitoj produkciji.

Na taj način predstavljamo rad svih naših sekcija i omogućavamo Sarajlijama i posjetiocima da uživaju u vrhunskom folklornom programu. Također, ove zime smo organizovali koncerte u našoj multimedijalnoj sali, čime smo dokazali da Sarajevo i u zimskom periodu može ponuditi vrhunski doživljaj tradicionalne umjetnosti.

Naša misija se ne završava samo na sceni - posvećeni smo i edukaciji novih generacija. Aktivno radimo na uključivanju najmlađih u folklor kroz sekcije u svim školama Općine Stari Grad, omogućavajući djeci da se kroz igru i pjesmu upoznaju sa bogatom kulturnom baštinom Bosne i Hercegovine. Također smo izradili dvojezični katalog "Sve boje tradicije", u saradnji sa etnolozima Zemaljskog muzeja u Sarajevu, u kojem su fotografisane nošnje iz našeg fundusa i detaljno opisane sa svim njihovim značenjima.

Poseban značaj pridajemo i očuvanju vokalne tradicije, zbog čega su naše vokalne grupe izdale niz CD-ova koji se aktivno streamaju putem Spotify-a i drugih kanala, omogućavajući našoj tradicionalnoj muzici da dopre do svih generacija i ljubitelja tradicionalne muzike širom svijeta.

Iza nas je niz projekata, nastupa i uspjeha, a bilo da smo nastupali u inostranstvu, u našem Sarajevu ili bilo gdje u Bosni i Hercegovini, uvijek smo dostojno predstavljali Sarajevo i Bosnu i Hercegovinu. onakvima kakvi zaista jesu - bogati tradicijom, duhom i umjetnošću.

KLUB ZASTUPNIKA SDP U SKUPŠTINI KANTONA SARAJEVO